

Samit mati Kamu (needle mushroom)

Tsawra ai shiga madat Nu Wa Hpu Nau ni, ndai lamang hta gaw myen myu sha ga hku Art..mu ngu shamyng ai samit mati kamu hkai sha lam hte seng nna internet laika man hta na mu hti lu ai hpe gam garan ya na n-ngai.

Ndai Art mu gaw hkinlang galu nna kaji ai kamu amyu langai rai nga ai. Gahti galai tu ai kamu gaw hkinlang kadun nna nsam lam nga ai. Hkai kamu ni hta gaw hkinlang galu nna nsam hpraw nhtawm apu kaji ai. Makau grup yin masa nbung ai hte pru wa ai kamu pu ni mung nbung ai hte nhtoi lu yang nsam mang nna hkinlang kadun nhtawm apu kaba wa chye nna nhtoi shingkang yawm yang gaw nsam hta hpraw nna hkinlang galu apu kaji chye ai. Dai majaw Japan kamu hpaji du ni gaw nhtoi yawm ai gawk kata hta plastic bu ni hte hkai na matu madi shadaw da nga ma ai.

Ja Art mu hkai na matu gayau lu sha galaw ai ladat hta kaga kamu ni zawn sha rai n na jai lang ai zingret hkyi hta wamyi hpun zingret hkyi ka-ang hkup ram Agayau jaw nna numhkaw hkum yun hpe 5-7% daram bang nna she ...kamu kaja na matu chyam dik lik yu. sawk sagawn ai hku na chye lu ai. Kamu myu ni bang ai hkai htuk, hkai bu hpe kamu **mawng** kung wa nna aten ladaw laman kahtet shadang hpe 20-23°C hte nbung bam htam shadang 80-90% laman thing da ya na matu ra nga ai. Kamu myu bang nna nhtoi 20-30 laman kamu mawng hpring wa chye ai.

Hkai ai Ladat – Kamu mawm ni hpring wa yang hkai gawk jahkrat hkai mai sai .Ja Art mu hpe kahtet shadang 10-18°C laman hkai mai ai raitim htap htuk dik kahtet shadang 13-17°C laman rai nna nbung bam htram shadang 80-90% laman thing hkang da jaw ra ai. Dai majaw myanmar mungdan a dukra ladaw hte re yang nbung katsi jaw ai jak hpe jai lang nna hkai ai rai yang tu kaja awng dang na rai nga ai.

Hkai gawk kata nhtoi law nna Carbondioxide lawm ai 1000ppm htan yawm yang hkinlang kadun loi bawng rai nna apu pu wa lu ai majaw apu kaji nna hkinlang galu nna nsam hpraw ai gat lawk hta manu lu ai kamu ni lu na matu nhtoi yawm ai gawk hta hkai ra ai. Kamu ni n-nan pru wa yang Carbondioxide lawm ai lam, grau law wa na matu bu mahka hta kamu pu pru na shara hta falim pa gumbat jaw na maru ra ai. Kamu pu a hkinlang galu 15cm daram nga yang di la hpang mai sai.

No.1 lang di la ngut ai hpang madi bam dat yawm yang hka ahpa hpa jaw jaw ra nna bat 2-3 daram na ai ten hta NO.2 lang bai di la mai sai. ja Art mu gaw namchyim mu ai. sama, nsam ndai ni lusha mu kaja ai sha n-ga na tsi byin ai namchyim law law lawm ai majaw lu sha ging ai zawn hkai sha gring ai kamu amyu hpan langai re lam gam garan ya dat ai.

